

## 09.03 MARELLA

---

### Swiss Skills – La pli gronda show da professiuns dal mund



135 professiuns e 75 campjunadis sut in tetg, 900 candidats che cumbattan per il titel da campjun svizzer en lur professiun ed in budget da 17 milliuns francs. Quai èn ils Swiss Skills. Ma tge stat davos quest mega-event? E tge porta quel insumma? La «Marella» tschertga las respostas d'ina vart en discurs cun participants dals ultims Swiss Skills, ma er dals campjunadis svizzers avant 12 onns. Da l'otra vart vegnan er a pled responsabels per la furmaziun tar ina fatschenta pitschna ed ina gronda. Fatschentas, nua che las premisas per laschar participar emprendistas ed emprendists èn dal tuttafatg differentas. Ed il responsabel tar la Confederaziun sclerescha la dumonda, pertge che la Confederaziun surpiglia 10 dals totalmain 17 milliuns francs ed è uschia la pli impurtanta promotura dals Swiss Skills.  
*Redacziun: Gion Gieri Flepp*